

箕子志  
地

リ 6  
4063  
2



4063  
3-2

箕子志卷之四

賦

使朝鮮賦

墓在兔山維城乾隅有兩翁仲如唐巾裾點以  
爛斑之苔蘚如衣錦繡之文襦左右列以跪乳  
之石羊碑碣馱以昂首之龜趺為園亭以設拜  
位累亂石以為庭除此則其報本之意雖隆而  
備物之禮亦疏也

董越

祈順

有商之衰兮大道沉淪女戎煽處兮積粟成塵



荒亾敗度兮虐焰肆氛藐天威之不戒兮遠忠  
言而莫聞嗟哉夫子兮遭時孔疚義爲大臣兮  
親則諸父視祖烈其至重兮敢愬然而安處方  
象箸之始造兮憂末流之莫支進藥石於俞緩  
冀沉痾之可醫羌狡童其不悟兮嗜堇薺而如  
飴哀余衷之激切兮獨遑遑乎何之顧微子之  
遠去兮余安忍復背其君也嘆比干之已死兮  
余安可徒隕其身也甘隱忍以晦遜兮乃佯狂  
而爲奴傷宗祀之覆墜兮抱鳴琴而嘆吁夷羊  
滿野兮麥秀故都非夫子之不力兮諒天運之

已徂維朝鮮僻在東土兮實夫子之封國祠宇  
久而彌新儼清風之如昨服八條之教令兮安  
蠶織而耕鑿信德盛以流光兮足廉頑而敦薄  
吾生數千載之下兮偶奉使而過茲相儀形以  
起敬兮懷不盡之遐思書有九疇兮易有明夷  
仲尼有贊兮宗元有碑斯夫子之道大兮又奚  
用贅乎一辭

徐居正

有周方輿兮有殷其淪伊豔妻之蠱惑兮鉅橋  
粟塵嘻噫夫子之不時兮紂惡其氛夫何蹇蹇

之忠誠兮荃藐藐予無聞比干諫死兮一何時  
運之疾也微子去之兮獨申誥乎曰師曰父也  
羌隱晦而自存兮子寧不於此而善處也嗟大  
廈之旣傾兮豈弱木之可支也曰膏盲其已深  
兮又焉用夫良醫也邦之濟可立矣兮甘鳩毒  
其如飴憫宗社之不血兮吾復捨此而何之乃  
不臣乎有周兮獨吾君其君也敷洪範而錫君  
民兮曾何獨善其身也義可圖存其祀兮盍忍  
爲其奴也雖然胙土而分茅兮寧不爲宗國而  
一吁也有截平壤有嚴其都我受我封我東曰

祖八條爲教兮亦何有於爲國也民到今愛其  
賜兮宛遺風其如昨家禮讓而俗雍熙兮以耕  
以鑿伊三仁之去就兮孰重輕而厚薄人自靖  
而自獻兮安所遇其若茲觀夫子之遺祠分起  
千載之遐思倘非夫子之在吾東兮孔聖何以  
曰居夷順其志同歸仁兮吾信夫太白之碑也  
猗歟先生之有賦兮吾將求之黃絹幼婦之辭  
也

謁箕子廟賦

並序

王敬民

盖余爲河南西華人云西華故箕地初聖師食

采於箕故稱箕子今邑中有箕子臺巍然學宮  
之後臺之端有洪範堂木主設焉春秋寔俎豆  
之其所從來欲遠矣余弱冠讀書其中每繹範  
旨輒低徊興感於千百載之前而有餘思曰此  
聖師初封國也卽其後封朝鮮縣隔萬里然故  
枝首丘神將往來其間而彷彿志吾羹墻未可  
知也實不謂奉 上命如今日躬詣東藩以播  
詔勅而獲瞻竚其廟貌如親見之謂爲氣之相  
感而數之不偶非耶且遺化猶存其國之君臣  
率能秉禮悖信而世爲東藩又余所樂道者于

是箕廟賦作焉恭承 天辟之休命兮播尺一  
於朝鮮震符啓而解澤流兮歷東徼而究宣紛  
遺俗不殊函夏兮郁爲華其縣延卽沐大造而  
砥厲兮遺教實遵乎仁賢用是追大人之遐軌  
兮忽感乎蒙難而逃遭當狡童悖亂此天道兮  
謂生不有命在天旣昌被而不用聖言兮珍異  
好四方其益堅傷進死併命而無益祀兮又奚  
忍蹈與亡吾國之愆恐不祥之爲我累兮適梅  
伯鹽而足憐保明哲與之俯仰兮被髮佯狂而  
爲之奴昏不邪而隕不息兮正大易之明夷而

莫之渝終不揆余之中情兮時托琴以自吁及  
天命之既改而訪於周武兮將序倫立法之是  
圖陳洪範而皇極建兮與大禹之所敘而同符  
闡幽微宏深之經言兮固受聖而以謨封朝鮮  
以示不臣兮俾東民其咸蘇撫平壤而光宅兮  
盡海表而式孚惟宗社之永以續兮儼開域而  
稱孤德無陋而人無遠兮導殊俗而改趨風振  
達而禮義遵兮夫惟聖師之故也業迄茲而光  
且美兮承而不能舍也曰踵武而長終兮歷億  
載而惟此度道化垂法何炳以晬兮迥濶循軌

而益內附帝寵嘉而德恩洋普兮又申之以詔  
諭俾東國知皇朝之兼容兮雖日際而罔弗惠  
顧余簡日而謁欵箕廟兮念枌榆而憬然如寤  
厥主巍設於正位兮斯宇實顯敞而寡仇荷梁  
薨如飛虹兮羌居楹而彫璆列左城右平之嚴  
以正兮土木被緹繡而光流棟雲遠飛接於白  
嶽兮繚繞攬澄江之悠悠基實奠玄菟之奧區  
兮階翠栢其長留功德崇報於千禩典迄今而  
益周余歷茲而延佇不能去兮奠椒漿而薦珍  
羞結微情以陳詞兮穆將愉兮靈魂願顧余以

來格爛昭昭乎如存夫孰非心之可感兮孰非  
諒余之虔假溢我潛迪兮庶舊學服而益有悟  
於經言亂曰幸矣哉夙慕箕城猶萬里遠兮謁  
祠下而形神依佈兮余爲箕城之後人知居歆  
其庶幾兮

李珥

平夷是箕子故都立廟妥靈春秋誌祀而西華  
是箕子始封之地亦有祠揭虔無間海內外焉  
皇明萬曆十年冬給事中倣吾王先生奉命宣  
詔于我國先生是西華人少時鍊玉于洪範堂

細繹疇範之旨薰沐仁聖之澤素矣今於萬里  
之外適到箕子之邦瞻仰廟貌徘徊興感遂賦  
陳其事一筆轉環不加點綴而辭富旨遠尊賢  
慕古之意溢於言表况我東人受聖師罔極之  
恩遺風舊俗髣髴猶作其可無辭以揚休烈乎  
茲敢不揆荒拙次韻以呈

夫何明宮之岌業兮耀朝輝而色鮮肅將禮而  
敷衽兮邈人文之始宣昔玄鳥之啓商兮迄帝  
乙而祚延咸明德而慎罰兮君六七兮聖賢何  
期獨夫之恃命兮蹇君子兮道遭結怨毒兮謂

無傷曾不念獲戾于上天噫太師遭此明夷兮  
抱艱貞而彌堅豈不知反覆而熟諫兮恐我辟  
之彰愆豈不知高逝而行遜兮憫靈修兮誰憐  
肆內明而外晦兮甘隱忍而爲奴炳丹心兮獻  
于先王勗自靖兮之死不渝如林之衆一散于  
牧野兮羌自絕兮云何吁覽武烈于湯有光兮  
不授法而何圖諄諄洪範之旣陳兮前後聖兮  
一符夫孰知八百之姬業兮寔鞏基於嘉謨念  
周德是天所輔兮民相慶於來蘇顧余志罔爲  
臣僕兮指九天而爲孚一葦兮汎汎渡海敢辭

夫投荒而跡孤王乃敬賢而表忠兮不拂于夫  
子之所趨畫朝鮮而建國兮夫惟不臣之故也  
君子居兮何陋蒞殊域兮不忍捨介鱗兮易以  
衣裳魚魚兮繩以法度政以德兮化遠罄海隅  
兮歸附撫檀君之幅員兮教八條兮勤諭煥禮  
樂兮軼華夏民至今猶受惠甚燭龍之照昏兮  
覩大寐之得悟世繇歷兮千祀德厚流光兮其  
誰與仇曰皇華起敬於祠宇兮佩璫鳴兮琳璆  
云是箕城之秀士兮風涵泳兮澤流西華平壤  
不知幾千里兮想彼此兮思悠悠神之格兮如



水在地奚必此道之獨留遺氓瞻玉節而增惻  
兮相排擁乎道周酌瓊漿兮椒醕採蘋蘩兮爲  
羞靈風至而颯然兮彷彿兮迎我聖魂陟降兮  
焄蒿悽愴豈無不亡者猶存嗟漢使之揭誠兮  
導邦人以益虔永世相傳而不亡兮尤有感於  
敷陳而直言亂曰噫嗟嗟君子守身之經兮樂  
行憂違猗歎夫子之達權兮孰敢望乎依俦欲  
鑽仰兮何由在極深兮研幾

詩附五言

倪謙

太師埋玉此山深欲奠椒漿試一斟存祀應同  
微子志安仁卽是比干心墓臺雲暖蒼松合翁  
仲春滿碧蘚侵聞說東人崇報本歲時祠享望  
來歎

洪範敷陳發禹疇萬年聖學啓宗周肯因淪喪  
爲臣僕甘忍佯狂作繫囚新廟松蘿常鬱鬱故  
宮禾黍自油油我來拜謁頻增感遺化漸濡遍  
海陬

司馬恂

西周曾作帝王師封國遙居瀚海湄忠義肯同

微子去仁心惟有仲尼知一篇洪範垂經訓千載朝鮮享舊祠趨拜門墻儼如在徘徊佇立起遐思

祈順

被髮佯狂豈爲身忍看家國遽沉淪平生方寸誰能會孔氏三仁語最真

宗祊顛覆力難支強把瑤琴只自悲一曲清歌欲流涕故都回首黍離離

直諫無能悟獨夫明夷心事有誰知九疇不向周王授後世何由識洛書

東藩制度舊封君千載遺風尚禮文欲吊英靈何處覓淡烟荒草鎖孤墳

陳嘉猷

炮烙烟飛王氣衰佯狂心事有琴知言垂千載存洪範人到三韓謁舊祠地老天荒名不泯風清月白鶴歸遲東藩自是分封國民俗依然似昔時

張斌

一朝佯狂豈背親的知天命已違殷道傳洪範曾何隱士胙朝鮮竟不臣立教無前身作古報

功有後禮惟新當時宗戚知多少今日如公得  
幾人

董越

象箸當年託意深臺池那復救荒淫誰云被髮  
佯狂態不是損軀獻靖心禹範一篇陳大道東  
人千古仰遺音偶成歇馬瞻祠廟桂酒椒漿且  
一斟

玉馬西周不共朝冠裳東國儼清標高風謾說  
凌三代遺教猶聞守八條廟古杉枝惟有鶴林  
深桑椹已無鶡驛程旌節三春暮幾欲臨風賦

大招

艾璞

會記成童讀魯論每於言外體深仁佯狂不去  
心何主興廢無常理自人麥秀忽驚殘故國鷺  
飛終見作王賓東來奉使經祠下一辦心香默  
寓神

古堞荒祠鎖暮雲入門猶覺有英芬酒池長夜  
甘沉溺宗祠崇朝切救焚禮用淫威朝玉馬書  
成洪範闡玄文當時一統封惟此應有神謀不  
及聞

王 敞

眼看九廟便淪污萬國嗷嗷悲獨夫但使一言  
能悟主敢論諸父久爲奴下車見訪周王日洪  
範聊陳大禹謨一脉斯文傳海外肯騎玉馬過  
東都

拒諫荒淫不忍聞幾年縲紲敢忘君鉅橋有粟  
嗟誰食寶玉空衣悅自焚一木豈能支大廈九  
疇何幸託斯文武庚他日還蓬粉始覺佯狂誤  
老臣

昧爽前徒忽倒戈三分天下盡消磨新封遠賜

朝鮮地故國空遺麥秀歌青史大名垂汗簡碧  
山古廟偃松蘿勞勞在古多成敗閒看江雲逐  
逝波

唐 臯

一拜堂封思不任三千年裏幾知心韓公山斗  
人皆仰直以雄文耀古今  
謾道歸周未齒任一篇洪範已傳心不臣自是  
周王禮虛被頑名直至今  
曉出城南門九一見形制秦令如牛毛阡陌猶  
不廢

一徑八松林歇馬拜墓臺高山夙仰止使節今  
初來

崇祀近檀君春秋繫牛豕八條今幾存東國尊  
化理

朝鮮此西京箕子有遺響

史道

支頹一木力難任幸得批鱗未剖心要識存商  
無限意只今助法尚傳今

登登山路馬能任一瓣香儀展此心聞說八條  
當日教東人猶守到如今

制廢井劃存我見生感慨井上有人家不知井  
內外

化鶴幾千秋歲時享籩豆人民半是非城郭尚  
依舊

龔用卿

貴戚思存社稷深獨夫作孽已昏淫人知周室  
下車訪誰識當時被髮心師渡孟津空一戰道

傳禹範續餘音松蘿掩徑遺祠古一薦江籬酒  
滿斟

青山芳綠苔封壤築高臺使車一瞻拜蕭瑟悲

風來

古廟蔓藤蘿屹立檀君右丹青儼如故春秋薦

椒酒

南郭分阡陌田區劃井中至今平壤民猶識商  
家風

吳希孟

古廟荒臺沒松風處處浮忠言餘象箸道學見  
龜疇日暖春常在山明翠欲流萬家燈火夜啼  
鳥半江秋

落日春風裏微烟鎖暮塵餘波流絕島精氣貫

千春地勝雲當戶堂虛月作隣佯狂儼廟貌功

烈蓋三仁

道骨埋荒塚寒泉繞石臺松風清夜響應識度  
魂來

東國仰封澤春秋享牢豕外王八條治內聖九  
疇理

華察

寂寞荒祠感慨深清風千古激貪淫若爲隱忍  
不同死須信佯狂獨苦心道在九疇非曲學詩  
成三嘆有遺音行人莫問興亾事潦到新亭酒

謾對

春茆封青苔短碣倚荒臺九原如可作清風百世來

敬瞻百世師如在吾左右忽憶殷三仁臨風再

釀酒

我聞千載上仁政九區中東土存遺制依然三代風

王敬民

大同館北雲霧收箕子舊邦盡平疇統并周家八百曆塚留嶺畔三千秋題詩峩峩有石碣凌

空鬱鬱交松楸往在箕城謁祠下

西華故箕城

辨香

展拜來遐陬

大同江之元泚水周示不臣封箕子

王栢

不彈箕子操不調離騷聲安得夔典樂天下終和平

李亢弼

海東有國宗殷箕文風亘古光璧奎

宋應昌

夫子懷明德生而遇不辰為奴非避禍諱過乃

全仁疇範三才備身名百代新即今恢復國猶  
自顯經綸

自廢非常調從權身中清佯狂暫時事忠謇百  
年名帶礪承周祜封茅守世盟慇懃酌盃酒灑  
泣見吾情

朱之蕃

箕封舊俗惟耕稼有事西疇正及春阡陌未開  
遺制在民需潤澤國當新

崔廷健

身為斯人愛道將用晦存歸周開日月渡海關

乾坤今古倫常主華夷治教尊明宮嚴萬祀澡  
滌薦蘋繁

程龍

皇華過此筆如峰下拜抒誠詩句窮賢聖心同  
明月皎松邱古墓大文宗

李塢

殷恪於周已作賓漸漸麥秀獨傷神三韓未屬  
周天下被髮東來定不臣  
洛書敷陳道已傳更為八條化朝鮮東人報答  
知無替遺廟千年尚儼然



盧公弼

三人趨向不相倫畢竟同歸一箇仁  
菹醢豈應時有補囚奴終恐國無人  
西周秉鉞寧為僕東土分茅永作賓  
千載八條遺範在至今蕉荔報明神

荒涼松檜掩寒雲千古斯人揖盛芬  
象箸預愁珍怪進膏銅忍見虐炎焚  
殷宗既屋無歸處吾道將東未喪文  
當日黍離悲古國至今遺恨不堪聞

郭永錫

何事佯狂被髮為欲將殷祚獨扶持  
去之祇為身長潔諫死誰嗟國已危  
魯士一邱松栢在忠魂萬古鬼神知  
晚來立馬朝鮮道髮髯猶聞麥秀詩

黃洪憲

投荒豈意作王賓麥秀歌殘廟社湮  
憂國忍甘先遜迹剖心何益更批鱗  
商彝周鼎滄桑盡禹範箕疇汗竹新  
東土衣冠風教在停驂吾欲薦繁蘋

玉杯象箸炳幾先去國批鱗有二賢  
忍死力難

回白日佯狂心可質皇天故宮禾黍秋雲外遺  
井邱墟落點邊何處好聞箕子操松風蘿月瀉  
鳴泉

薛廷寵

被髮當年意獨深遜荒無奈錮驕淫道如有待  
傳皇極事已能為白此心殷室三仁昭定論東  
方八條振遐音興亡不盡前朝恨再拜芳祠酒  
一斟

朝鮮元是商周國畫野分明井地中我亦過滕  
兼適魯荒區無處問遺風

一種青山翳綠苔路人指點最高臺云是商家  
箕子墓使車迢遞上山來

江城吊古訪箕祠下馬踟躕循階右松風忽忽  
作琴聲怨恨分明語池酒

私田環其外公田在其中公私各有界何事有  
貪風

元天錫

恭惟天子重東方命號朝鮮理適當 箕子遺  
風將復振必應諸夏競觀光

海東天地更清寧民變時雍樂太平 箕子淳

箕子志卷之四  
風將益振朝鮮雅號復頒行

鄭夢周

箕子以明夷萬世訓皇極

李崇仁

臺山山下碧松陰 箕子祠堂靜且深  
洪範九疇敷帝訓 遺風萬古感民心  
鬼神呵衛森如在 蕉荔芬芳想必歆  
多少華人頻問訊 悄然東望每謳吟

權近

行尋微徑陟孤峰 墟墓荒涼對碧松  
鳳去高岡

嗟已遠鯁橫白水竟難容  
明夷正志能全道 洪範敷言孰繼蹤  
屈節小邦宗祠永盛心 非是要侯封

許琮

瑤琴一曲意何深 可忍君王恣酒淫  
麥穗殷墟空慘目 茅分海國肯甘心  
書陳八政思傳法 名列三仁遇賞音  
日暮空庭山雨下 只將明水喚人斟

孤忠終不向西朝 盛德長爲萬世標  
古碣倚山微有字 寒松溜雨半無條  
岡巒斗起傳名兔 草

棘叢深不萃鸚擬作廟中迎送曲臨風不用楚  
辭招

處身皆是壓卑污可惜佯狂作匹夫隱忍苟存  
非愛死彷徨不去任囚奴明夷在易成爻象皇  
極終天炳聖謨餘業未能傳萬代江山空自說  
西都

三仁行跡聳前聞惻怛應同各愛君四海有心  
歸聖德一身無力救兵焚八條教法能傳世萬  
古遺風煥有文大道在余寧可泯受封非是作  
周臣

由來哲婦作干戈殷鑒分明久不磨終古有人  
悲曲操至今無酒酌朝歌新祠是處羞蘋藻故  
國遺墟長荔蘿想見當年無限思繞城惟有水  
生波

徐居正

邦國興亡繫一身玉杯其奈竟商淪可憐詰語  
敷心處歷歷忠誠已露真

大廈元非弱木支三仁心力可堪悲東韓蕉荔  
千秋祀寂寞殷墟草自離

直以忠言忤一夫操琴幽墳可何如九疇一爲

周王授千聖相傳自有書

分茅東土後檀君禮樂詩書祭有文萬古朝鮮  
民受賜一杯聊復酌孤墳

白魚當日瑞周王殷土茫茫社已亡洪範彝倫  
明日月朝鮮茅土有金湯八條美俗檀君後九  
尺遺墳浪水陽丹荔黃蕉千載祀空令過客為  
悲傷

金安國

傷痛殷宗覆暴昏東來猶為化蛙蝘千載故國  
無徵迹只有當時畫井痕

西都雜詠

金麟厚

檀君生有異箕子教無窮井畫存遺制科條  
革舊風流亾聞衛滿屈起說朱蒙俎豆初循禮  
弓矛後尚戎漢皇開樂浪唐室置安東錦繡峰  
巒麗綾羅島嶼雄兔山荒草樹麟窟暗蒿蓬石  
沒朝天迹巖專捍水功浪江誰作鎮龍堰謾成  
宮不復臨長樂山河繞永崇

李晬光

海外分封示不賓八條餘化未全湮故都禾黍  
空成穗遺廟松杉老作鱗義炳君臣天地大心

傳疇範日星新千年俎豆應無替山有春薇澗  
有蘋

鄭經世

吾祗能令右公車孰使東都行夷不陋仁遠國  
還空何者非天意無然怨牧宮千秋禮遺廟彷彿聽陳洪

鄭斗卿

亳社歸玄鳥河舟見白魚還將八條教來作九  
夷居海外無周粟天中有洛書故宮今已沒禾黍似殷墟

鄭惟吉

自靖胷中定是非不爲王子不爲微狡童智辨  
真無用何事謀臧卽具違

一坏邱土不臣周喬木縱橫認舊疇每來彷彿  
不忍去傍人謂我有何求

身是忠臣跡是奴國亡何地駕言徂東來舊抱  
憑誰問一片歸心在亳都

八條遺教奠民居心法元從授聖餘野老豈知  
尊舊井鋤犁往往入荒墟

李荇

諫君存祀兩難任誰識三仁只一心設教有條  
田有助東民受賜到于今

洪範彝倫已自任佯狂當日若爲心東方元是  
不臣地忠義遺風留至今

李珥

東土當年建國賓邑居依舊井田湮會將疇範  
傳華夏更把衣裳變介鱗仁列三賢遺訓炳澤  
流千載耿光新皇華起敬增淒感日暮悲風滿  
渚蘋

玉馬東來啓我先嘆深微禹仰仁賢敢將韜晦

爲身地祇是艱貞不愧天故墓淒涼寒樹裏明  
宮翬映曉雲邊遺風舊俗今猶在惆悵無因作  
九原

世遠人亡澤未收井田尙辨東西疇淒涼遺老  
誦八教繚繞荒城經幾秋闕殿巍峩奉香火佳  
城蕭瑟鳴梧楸天遣皇華肅將禮更御聖化宣  
東陬

申光漢

明夷爲易範爲書誰指三仁更及予命自靡常  
嗟已矣道堪相授敢藏諸今來古廟存瞻想絕

勝陳編謾卷舒東土只今猶祀事儒仙千載爲  
躊躇

天命吾無奈殷宗喪本支未應思授聖非故欲  
居夷自靖知能斷先王恐不貶應堪難集蓼誰  
復悶遭時古廟今荒矣何人更取斯石麟苔剝  
落山鳥響參差獨有深仁在東人永繹思  
藤蘿爲蓋古祠深荔實椒漿祠豈淫周武爾時  
能受法魯儒當日是知心八條有教空遺愛千  
載無人更賞音惆悵未施皇極用衢尊那復往  
來斟

欲獻先王靖自持鳴琴誰識我心悲歌成故國  
漸漸麥明盡東方種種夷

離明八地中洪範落泉臺不有當時德今誰薦  
祀來

神依古洞深靈風常滿右八條世世欽九歌村  
村酒

崔淑精

烟紅炮烙萬方離有意爲奴世莫知千聖傳心  
九疇在三韓遺化八條垂孤城自是分封地古  
墓空餘紀績碑拱木生陰宿草盡春風過客不



勝悲

鄭士龍

周命維新商運終縲囚纔釋卽分封八條祇得  
開荒僻九類何曾見變雍故國夷墟悲秀麥斷  
碑橫草吊寒蛩魯儒不顯心中事誰并三仁誰  
舊踪

魏時亮

禹範留西土先生獨向東道無浮海嘆義與采  
薇同舊井存殷畫喁冠尙古風吊懷如有見白  
馬下天空

韓世能

誰悟當年象箸非孤臣忠諫自幾微丘糟林肉  
終昏酒無奈佯狂心事違  
夏衰殷廢又興周一點天心在九疇不是先生  
身不死何人指與下車求  
傷心牧野釋囚奴麥穗漸漸運已徂只向海邦  
流聖澤不騎白馬過西都  
東邦禮義復安居世守先生道化餘堪嘆井田  
猶有在紛紛阡陌幾成墟

李敏求

箕子墓門秋日鮮行人灑淚石羊前周邦運啓  
仁賢去孔壁書開大法傳江上閭闔通御井城  
邊經界辨公田殷墟麥秀休深恨此地蓬蒿又  
幾年

車天輅

晚出含毬覓井田至今遺跡仰仁賢立圭軒帝  
分州制畫壤朝鮮建國年已用九疇遵禹貢詎  
知三變決秦阡東韓禮樂衣冠俗聖化千秋萬  
古傳

百尺寒泉澈地清汲深分碧轆轤聲一杯頓解

相如渴却想衢尊酌萬生

百世師先聖千年國故墟明夷傳易繇洪範入  
周書古墓殘碑在荒山古木餘沮水流不盡遺  
化共何如

崔鳴吉

道啓陳疇日心驚建丑辰殷墟空灑涕鰈域竟  
歸仁香火祠堂舊丹青畫像新明夷看苦意千  
載重沾巾

梁慶遇

箕聖西來日君臨析木墟殷猶存禮樂周已混

車書舊國千年後荒墳四尺餘忠臣與孝子遺  
化此何如

趙綱

罔僕于周志乃伸佯狂還合齒三仁公陳洪範  
心無我何陋東夷德有隣六七王風吹海日五  
千殷師作鮮民至今報祀修丘壠白馬威儀若  
隔辰

李景奭

不敢私疇範東來啓我民佯狂終見儀先聖并  
稱仁周自三千士殷猶半萬人西行想白馬吊

古倍傷神

梁有年

千載箕封幾變遷宜民古法在今傳淳風猶  
自存耕鑿不問河源問井田

楊道寅

冽泉深處水晶寒冰雪凝來一樣看屈靜甃涵  
千古月至今遺澤猶堪殮

俞泓

事隔千年只一朝依然廟貌想高標春苔兩長  
侵碑色雲木風低八戶條中土未回浮海轍好

音會變食桑鶚楚些題罷增怙悵萬古英魂不  
敢招

洪暹

仁賢留美化撫跡正潛然松老皆成蓋碑荒不  
記年九疇書獨在千里士閒眠萬古椒漿奠何  
會報滴涓

洪逸童

當日三仁共一心圖存宗祀計何深蒼姬八百  
由天啓治亂與亡自古今

張承憲

曾於洪範讀遺書沉溺詮言未啓予今日丹青  
窺廟貌他年歲月嘆居諸

聖朝皇極中天運海國文風編地舒最是昔賢  
留大業辦香瞻禮獨躊躇

商道淪亾日羣公盡不支先生獨隱忍用晦在  
明夷陳範他時事開疆聖主勲公非先着意道  
自有存時百代源流在千秋享祀斯墓臺連歲  
月松栢長叅差再拜遺丘下令人起永思

蘇世讓

炮烙烟飛惡更深顛濟天已厭奢淫可憐宗社

圖存日誰識先生不北心墓表歲荒松送籟祠  
庭風煖鳥和音東人世世薰遺教香火春秋桂  
醑斟  
沉痼成來日亦深玉杯其奈啓妖淫共回天命  
雖無策自獻先王各有心洪範教存人起敬古  
祠春遠鳥遺音東方蕉荔千年祀長把香醪滿  
學斟

金時習

古廟丹青剝尊崇歲月深堪嗟顛社日可忍不  
臣心殷位裝香火雕珉記德音至今民仰慕蕉

荔獻誠忱

峨峨陵墓壯寂寂有松楸八教垂千古三仁竟  
一邱草生翁仲沒花發鬣封幽往事無因問孤  
城暮靄收

南孝溫

六百年華瞥眼過商王元子痛亡家要知陳範  
非吾意爲見漸漸麥秀歌

自毫功衰王業淪白頭無計復家門都將積累  
成湯業說與邵侯未葉孫

周王革殷急賢良首就箕子訪民彝

周王義不臣箕子

武王不憎受成湯豈怒周二家革命間聖人無怨尤狡童逞驕淫不我聽嘉猷家亡道不亡為周陳九疇洛書道有傳彝倫明九州乃知道公器傳授無親讐

故都麥漸漸浪江流悠悠田間遺井劃大野桑麻稠人厖物情孚至今禮樂區西遊謁祠宇神靈儼若留

金尙憲

太師遺風千古傳太師子孫多才賢

朴 瀾

周家井制出鄒賢猶是其詳不得傳試向舍毬門外望平郊十里即商田

金履九

義難為僕雖東奔道不終湮乃有言天下尙傳洪範訓海隅猶見井田痕蒼蒼墓木多松栢濟濟齋儒半子孫衣冠遺風皆自此至今人說小中原

洪秉喆

身因官職到遐鄉 箕子廟前拜奉香遺像千

秋人感慕高名萬代世推揚仁聲上古和風蕩  
治化西方晶日長欽仰微忱采又切翮餘敢賦  
一篇章

周倬

箕子遺風久不休

蘇軾

天其以我為箕子

黃廷堅

師臣論九疇

河水問九疇

趙孟頫

箕子之裔多髯翁

蓋指鮮于樞也

金祖淳

信美蒼光麓歸然數畝宮父師如不國吾屬幾  
為戎歲月愆疇邈山川易世同勗哉箕土士好  
德尚遺風

楊澤九

傳道演疇意明夷罔僕心不幸是吾幸東人受  
賜深

懇懇詩書教彬彬禮樂新茲居何陋有九部亦  
殷民

無名氏

奢侈由來國必亡君心一啓固難防孤忠直欲

扶宗祀還見幽囚故作狂

隱忍援琴獨自悲艱貞却得處明夷欲知當日

爲奴意請看宗元撰廟碑

趙鼎淳

史無箕子受封文却謂周封而不臣既爲不臣

又朝覲罔爲臣僕是何人

箕子朝鮮本孤竹夷齊隱處亦朝鮮仁賢清聖

往來跡李渤質言應信然

東國光華得箕子首陽證據又唐賢假令三聖  
不東渡孤竹在遼遼亦鮮



箕子志卷之四

箕子志卷之五

辭

陳鑑辭序六月謁箕子也周封箕子朝鮮而不臣  
之東人尊之為始祖而世享厥祀焉

維此六月我來自東適子之館兮曷不肅雍  
彼君子兮商之孫子王之蓋臣其德靡悔  
咨爾殷商歛怨以為德小大近喪曷其有極  
國步斯頻其何能淑不殄心憂進退維谷  
是用大諫聽我囂囂威儀卒迷勞心忉忉  
假哉天命乃眷西顧多我邁瘠則不我助

維此聖人黽勉求之民之秉彜其誰知之  
先民有言有物有則以矢其音古訓是式  
肅肅王命保彼東方我客戾止至于海邦  
遂荒大東萬民是若順彼長道俾民稼穡  
享祀不忒匪今斯今寢成孔安以慰其心  
高山仰止其詩孔碩神之聽之亦不夷懌

六月十二章章四句

高閏辭序武王克商封箕子於朝鮮先儒謂其傳  
道則可仕則不可萬世之公論也敬掇拾爲辭  
以致景仰之意丁丑之歲季夏之時在朝鮮之

駕求箕子之祠焚香下拜佇立觀碑方紂之不  
辟肉林酒池嚴刑侈服象箸玉杯縱妲己之欲  
賜雷開之珠鉅刀爲鈍雄劍爲雌魚目混珍丹  
砂爲泥蒼菜是佩蘭茝則非仁不可化義不可  
持知不能入禮不能拘比干諫死微子去之操  
劊劊而莫用舍規矩而焉施佯狂被髮受辱同  
危仁者之志君子之爲及周之受命奄有萬國  
雖釋其囚曷爲其僕雖被其封罔食其粟道爲  
師法授聖闡龜文立民命三綱五常臣職君柄  
日月星辰休咎感應徵用惡極勸用福慶禹疇

復明治道其盛羌不合於一人幸有功於萬世  
生而尊榮沒而存祀雲山嵯峨風水流逝春兩  
秋霜猿聲鶴唳怊恍其興懷跪陳辭而掩涕  
王事驅馳天涯歸去喟興亡之係人長矯首其  
慕乎忠義

董越辭序墓在平壤城之西北隅予自東國歸取  
道展拜時風雨淒迷不覺使人有泫然意蓋秉  
彝好德所發非強勉也因爲辭三章以吊云雲  
冥冥兮樹陰雨濛濛兮山深憩驂駢兮中路瞻  
埋玉兮遙岑石粼粼兮苔蘚侵一瞻非兮淚霑

襟慨斯情兮曷以不少間兮古今吁嗟不死兮  
維人之心

屹屹兮幽宮胡爲兮自東肇我封兮周武不我  
好兮狡童顧瞻遺墟兮禾黍芄芄沾丐殊方兮  
一德同風流千百世兮伊誰之功吁嗟三尺兮  
封土宜崇

鼓坎坎兮笛聲悠悠酒欣欣兮更進羞東人  
報祀兮不爽春秋冀神來遊兮慰我夷猶戒我  
東人勿剪松楸留此美蔭兮永蔽斯丘吁嗟此  
外兮亦又何求

王敞辭蔭夏木兮重陰薙荆榛兮草深望孤墳兮  
何許蔽木蘭兮高岑碑剝落兮霜雪侵風蕭蕭  
滌煩襟邾鄆定鼎兮久淪沒八條垂降兮以迄  
于今嗚呼道脉相延兮曠百世而同心

瓊臺兮瑤宮紂惡貫盈兮黃鉞載東棄老成兮  
用掎克盛女謁兮比頑童故都陸沉兮其麥芘  
芘新封肇造兮載振儒風海堧向化兮仰厥神  
功有廟翼翼兮祀典攸崇

雨冥冥兮江悠悠奠椒漿兮羅珍羞玄堂秘兮  
閱千秋九疇敘兮垂遠猷墓木昂霄兮白楊山

楸涕淚交橫兮過此山丘彼昏不知兮謂我何  
求

唐臯辭山高高兮白雲深樹藹藹兮氣蕭森封若  
堂兮俯城陰石獸危兮古猶今嗟我家兮大江  
南渺三韓兮辰與參乘使軺兮忽東遊絕鴨綠  
兮江之潯踰重山兮復嶺豈曰勞兮匪任近平  
壤兮數里譯指予以墓林曰箕子兮化鶴藏於  
是乎冠簪迴我車兮欲往奠椒酒兮躬斟路崎  
嶇以盤紆橫涕泗兮浪淋嗟有商之末造兮胡  
獨夫之荒淫豈無器之可抱兮與可剖維此心

奈象箸之不可諫兮又何有乎于王之箴明夷  
于火之伏地兮道始顯於周王之虛衿裂朝鮮  
以啓封兮均日月之照臨蓋爲賓而不臣兮又  
豈乏毛葦之與璆琳冒東土之有思兮潤草木  
其如霖宜東人之享祀兮粉松花而糝山蔘駕  
蒼虬而倏降兮神洋洋其來歆願福此東之人  
兮靖惡氣與妖祲東人世世守墓祀兮牛羊勿  
其來侵國與 皇明相終始兮賜有匪而貢有  
琛

李荇辭兔山峙兮窈深松檜蔚兮森森肅祠宇兮

陰陰穆享祀兮迄今墳三尺兮面南邈故國兮  
商參昔周之不臣夫子兮胙茅土於泚之潯彼  
狡童之敗度兮委大器兮莫之任宮室兮瓊瑤  
酒爲池兮肉林囚舊成而罔念聞兮寵廉來兮  
纓簪鼓千人而牛飲兮醜有甚於長夜之斟若  
大水漫漫而無津兮陰雨又從而淋淋豈獨朝  
家之陸沉兮舉四海其浸淫嗟夫子罔知攸濟  
兮托悲操於琴心旣忠肝之見剝兮何象箸之  
可箴知麥秀於達道兮涕泣下而沾襟余豈難  
夫一死兮仰昭昭其有臨惟九疇不可以無傳

重一言於球琳汪餘澤於吾東兮類大旱之甘霖赫使節之經過兮奠桂酒兮肴蓼明神之愈久而不昧兮尚彷彿其顧歆百靈儼其護衛兮祥飈掃其氛祲視梓木如甘棠兮又何有乎斧斤之侵展清辭而三復兮懿玉人兮國之琛龔用卿辭溪窈窕兮山深城蠹蠹兮樹陰瞻墓門兮有棘廣封土兮三尋雲霏霽兮碧霞岑斷樵採兮狐兔侵傷大賢兮古道敬奠拜兮涕交襟嗚呼思伊人而不可見兮空惆悵乎此心鄭士龍辭一徑繚兮雲深萬松鬱乎交陰瞻墓林

兮起敬停余蓋兮來尋磬一辨兮陟高岑勿樵牧兮荒隧侵敷八條兮式後俾東人兮襲冠襟吁嗟晦明夷而遂不臣兮增有感乎余心

吳希孟辭天地裂兮洪濛日月蔽兮矇矓問我道兮周武囚我身兮狡童恫湯澤兮已矣當此際兮何從悲斯生兮不偶率遺民兮自東論三仁兮若異揆一道兮則同神渺渺兮在表風颼颼兮來松潔辦香兮致慕拜孤墳兮維崇嗚乎九疇有範八條無窮變夷爲華伊誰之功

鄭士龍辭鴻緒接兮昏濛罔宇宙兮矇矓天實厭

兮商德又何尤兮頑童任囚奴兮不去悵余身  
兮無從道在我兮罔僕竟胙土兮居東陳九疇  
兮敷八條推吾民兮胞同睠化鶴兮有封鬱蒼  
雲兮檜松儼弭節兮虔拜仰高山兮軼崇鳴乎  
身阨無時澤流不窮蕉荔千秋永食其功

許國辭夫子奈何去中土兮塊獨處此遐陬周既  
釋而訪道兮豈夫子乎忘仇余竊悲夫子之志  
兮遭殷社之既屋寧爲殷之囚奴兮罔於周乎  
臣僕吾罪旣當髡鉗兮又胡可辱中土之衣冠  
無寧被髮而裔居兮實吾心之所安望首山而

佗僚義不食周之土彼氓固有志兮矧吾曩又  
爲輔麥秀漸漸兮傷殷故墟想九州無尺土兮  
吾安適歸抱禹範而西陳兮浮遼海而東去飄  
翩翩其不可羈兮晞吾髮兮扶桑之嶼甘海濱  
之寂寞兮吾不失殷之逋囚生可以與微居兮  
歿可以與于遊朝日照吾之衷曲兮滄波洗吾  
之詬辱宋不祀而周爲墟兮夫尙仍殷先王之  
舊物採山薇以爲羞兮酌野泉而酌之靈恍惚  
其格余兮乘白馬之翰如亂曰已矣哉骨則委  
於平壤兮心寧忘夫亳都魂兮歸來逝將從殷

先王之所居

操

金時習操商祚昌兮共昌商祚亡兮共亡余悲不  
遠鑑在夏后之世兮獨忘我湯祖之典章若涉  
水無津涯涘兮莽洋洋之不可當浩渺渺之無  
垠兮吾獨何爲而彷徨天不洒爾以酒兮我何  
沉酗而猖狂罔晝夜以淫泆兮眇憂思之不可  
長白日忽以冥冥兮鷗梟鳴而翱翔鳳麟依彼  
枳棘兮猿狖恣以跳梁撫琴操以自悲而仰瞻  
天胡爲蒼蒼

我皇祖征彼夏兮慰民厭夏之狂攘指時日以  
曷喪兮余及女而偕亡天旣命以討罪兮又命  
我祖貽謀以永昌何後王之不迪兮故離此災  
殃顧前後而無道兮覽上下而莫翔如彼涸池  
之魚兮竟爛亡而誰謂傷民胥怨而共懟兮鬧  
如蜩而如蟬罔小大而卒喪我何遘此禍之難  
禳

冀王心之少悛兮望脩門而杼情王何爲而不  
省兮貽我憂而如醒哀宗社之將覆憂國祚之  
將傾時已邁而猶耽樂兮恣淫荒而無央將遠



逝而流亡兮瞻城闕而惻惻欲淹留而無所正  
顧形影而自驚吾夫誰與共理兮吾奈何以爲  
生抱悲憤以撫琴兮聲將絕而復鳴覽光景以  
獨哀兮時冉冉不可再更

龔用卿操思彼狡童兮謂我何求大事已去兮社  
稷誰謀瞻此故宮兮禾黍油油嗚呼蒼天兮於  
我何尤身可去兮心胡以寧生可棄兮死胡以  
成我爲奴兮國尙可以圖生吁嗟乎臣罪當囚  
兮君王聖明

華察操吾聞其名兮未見其人吾見其墓兮吾傷

吾心鳥啾啾兮樹陰陰山空空兮雲沉沉大賢  
去兮吾焉尋惟曠世之相感兮有範至今下車  
展拜兮肆躑躅而悲吟酌莽漿于一滴兮澆千  
古之胷襟

蘇世讓操嗚呼奈何兮孰知余此心仰視天宇兮  
白日陰元良已喪兮忠沉沉王子又去兮墜緒  
胡可尋隱忍被髮兮越至于今琴操兮怨語麥  
歌兮苦吟潛思泣血兮血下霑襟

薛廷寵操繫玄鳥兮天命商世哲后兮祚靈光胡  
末造兮天無良我求我靖兮獻于先王吁嗟兮

我心孔疚兮謂我爲狂

瞻彼景山兮高巍巍帶河水兮受命宜國不祀  
兮鍾簫移我爲奴兮皇皇何之吁嗟兮我生不  
辰兮逢此百罹

蘇世讓操天疾威兮不祚我商目窅窅兮未見日  
光人其聖善兮我無良欲帽我面兮羞我先王  
吁嗟兮我寧爲奴兮寧忍發出狂

河水縈迴兮亳山峩嵬殷受命兮百祿是宜命  
之靡常兮今已移身何奴兮又安去之吁嗟兮  
不祥之實兮我獨罪罹

歌

金時習云平壤民俗好淫祀取其有功德者歌之  
擬楚辭九歌歌曰天命兮玄鳥錫勇智兮載肇  
終淵藪兮潰且焚蹇不摺兮姬垣訪陳範兮助  
風燄分茅土兮天塹長江兮如帶原濕兮葭葭  
聿來兮浚澮荏菽兮旆旆牖頑兮八條靈胡不  
來以消逢鼓瑟兮吹簫以濩兮以韶靈之來兮  
孔子酌鬯兮典學禮貌兮蘊蹇靈脩兮來歡歌  
盛德兮未闌

贊

司馬遷曰嗟箕子乎嗟箕子乎正言不用乃反為奴

陶淵明曰去鄉之感猶有遲遲矧爾代謝觸物皆非哀哀箕子云胡能夷狡童之歌淒矣其悲

李太白曰文王羨里箕子明夷苟非其時聖賢低眉

司馬貞曰殷有三仁微箕紂親一囚一去不顧其身頌美有客書稱作賓卒傳家嗣或敘彝倫

東峰金時習曰紂為玉杯箕子甚患紂為淫泆箕子極諫不聽而囚人曰可去子曰若去彰惡自

譽被髮佯狂為奴隱處彈琴自悲此情雖語千載有知我志應著唐柳作碑其文可據世雖遠而惟爾能恕

栗谷李珥曰猗歎太師運遭明夷內貞而晦制義隨時被髮操音惟天我知宗國既淪嗚呼曷歸法授蒼姬身莅青璣誕闢土宇樂浪作京蝶域長夜肇昭日星禁設八條文宣禮樂江清大同山重太白子孫繩繩千祀是百五世不斬迄受遺澤報祀仁辟極天如昨

出實記

箕子志卷之五

箕子志卷之五

